



ISUMAQATIGIISSUT

Sulinermik Inuussutissarsiuqartut Kattuffiata

aamma

Polar Raajat A/S-ip akornanni

2023 - 2025

Imarisaa

| | |
|---|----|
| § 2 - Piffissaq suliffiusoq..... | 3 |
| § 3 - Akissarsiat. | 4 |
| § 4 - Soraarnerussutisiaqalernissamut akiliutit akilerneqartarnerallu..... | 4 |
| § 5 - Qaangiuttoorneq aamma qaangiuttoornermut taarsiullugu sulingikkallarneq..... | 5 |
| § 6 - Napparsimaneq..... | 6 |
| § 7 - Suliartoqquneqaratarsinnaanermut tapisiat..... | 8 |
| § 8 - Tapisiat immikkut ittut. | 8 |
| § 9 - Sapaatini nalliuttunilu tapit aamma nalliuttuni ulluinnartigoortuni pisartakkat. | 8 |
| § 10 - Piffissani nikingasuni sulineranut parlaattarlunilu sulineranut tapisiat..... | 9 |
| § 11 - Atisat isumannaallisaatit il.il. | 10 |
| § 12 - Qanoq sivilutigisumik sulisimanermut tapisiat..... | 10 |
| § 13 - Nioqqutissiorneq siuarsarniarlugu akissarsialersuineq..... | 11 |
| § 14 - Suliamik unitsitsigallarneq. | 13 |
| § 15 - Assuarlersinnaatitaaneq. | 13 |
| § 16 - Akissarsiat tunniunneqartarnerat. | 13 |
| § 17 - Sulinggiffeqarneq sulinggiffeqarnerisutillu..... | 14 |
| § 18 - Aningaasaateqarfiit. | 15 |
| § 19 - Naartuneq, ernineq qitornavissiarthaarnerlu | 15 |
| § 20 - Toqukkut qimagaanersutit. | 15 |
| § 21 - Meeqqap napparsimanerani ullormi siullermi sulinggikkallarsinnaaneq. | 16 |
| § 22 - Meeqqap napparsimanerani sulinggikkallarnerit allat. | 16 |
| § 23 - Qinikkatut pisortanillu toqqakkatut suliassaqtartitaaneq..... | 17 |
| § 24 - Sulinggikkallarnerit immikkut ittut allat..... | 18 |
| § 25 - Aaqqiagiinngissutit assigiinngitsuliorlunilu soraarsitsinerit. | 19 |
| § 26 - Sulisut sinniisaat pillugit malittarisassat. | 19 |
| § 27 - Soraarniuteqarnermi soraarsitsiniarnermilu siumut ilisimatitsivissat. | 20 |
| § 28 - Piffissaq isumaqatigiissutip atuuffia..... | 21 |

§ 1 - Isumaqatigiissutip atuuffii.

Isumaqatigiissummi matumani pineqarput nioqqutissiornermi suleqataasut tamarmik kiisalu laboratorieassistentit nalunaaquttap-akunnermusialittut Polar Raajat A/S-imi atorfinitsinneqartut.

Imm. 2. Atorfinitsitsisoqartassaaq atorfinitsitsinermi allagartaq nalinginnaasooq illuatunge-riinnit akuerisaasooq naapertorlugu. Atorfinitsitsinermi allagartaqarpoq aalajangersimasumik sulisunut aamma atorfinitsitaagallartunut.

§ 2 - Piffissaq suliffiusooq.

Piffissaq suliffiusooq nalinginnaasooq tassaavoq tassaavoq ullut 7-t ingerlaneranni nalunaaquttap-akunneri 40-t, taakku naatsorsorneqassallutik ataasinngornermit sapaat ilanngullugu. Allamik isumaqatigiissuteqartoqarsimangippat piffissaq suliffik tassaavoq sapaatip-akunnerata ulluini siullerni arfinilinni nal. 06.00-ip 17.00-illu akornanni, aammalu sapaatip-akunnerani tullermi nioqqutissiornerup aallartinnerani sapaatini nal. 14.00-mit 23.00-mut. Sapaatip-akunnerata ulluisa arfineq-marluusut ilaat nalinginnaasumik ullut marluk sulisunut ataasiakkaanut sulinngiffiupput.

Imm. 2. Piffissap qanoq ilinerani sulisarnissaq suliffiup pisariaqartitsinera eqqarsaatigalugu sulisitsisumit aalajangerneqartassaaq sulisorisat taakkulu sulisutut sinniisaat oqaloqatigeerlugit.

Imm. 3. Unioqqutitsisumik sulinngitsoornerit akissarsiatigut ilanngaatigineqartassapput piffissamilu akissarsiffimmi tamarmi suliarortarnermut bonusi peerneqartassalluni.

§ 3 - Akissarsiat.

Ima akissarsitisisoqassaaq:

| <u>Nioqutissiornermi sulisunut</u> <u>Nal. akunnermusialinnut</u> | 1. april 2023 | 1. april 2024 | 1. april 2025 |
|--|----------------------|----------------------|----------------------|
| | Nal. akun. Kr.-it | Nal. akun. Kr.-it | Nal. akun. Kr.-it |
| 18-it sinnerlugit ukiullit | 115,00 | 118,00 | 121,00 |
| 18-it inorlugit ukiullit | 73,07 | 76,07 | 79,07 |

Imm. 2. ima akissarsitisisoqassaaq:

| <u>Laboratorieassistentit</u> <u>Nal. akunnermusialinnut</u> | 1. april 2023 | 1. april 2024 | 1. april 2025 |
|---|----------------------|----------------------|---------------------|
| | Nal. akun. Kr.-it | Nal. akun. Kr.-it | Nal. akun. Kr.it |
| 18-it sinnerlugit ukiullit | 127,07 | 130,07 | 133,07 |
| 18-it inorlugit ukiullit | 80,12 | 83,12 | 86,12 |

Imm. 3. Tamatuma saniatigut suliarortarnermut bonusisiaqassapput piffissami akissarsiffimmi tamakkiisumi unioqutitsisumik sulinngitsoorsimangitsut tamarmik.

§ 4 - Soraarnerussutisiaqalernissamut akiliutit akilerneqartarnerallu.

Isumaqatigiissut una malillugu sulisut soraarnerussutisiaqalernissamik aaqquissuussinermut SIK-mut atuuttumut ulloq 1. januaari 1994 pilersinneqartumut ilaapput.

Soraarnerussutisiaqalernissamik aaqquissuussinermut akiliutit naatsorsorneqartassapput

1. aprili 2023 aallarnefigalugu akissarsianit tamarmiusunit, taamattaaq bonusisiaritinneqartunit/akkordernersiaritinneqartunit, tapeqartitsisoqarsimappallu taakkunanngattaaq:

| | |
|--------------------------------|---------|
| Sulisitsisup akileeqataassutai | 8,77 % |
| Sulisup akileeqataassutai | 4,23 % |
| <hr/> | |
| Katillugit | 13,00 % |

Imm. 2. Akiliutit qaammammut ataasiarluni SISA-mut akilerneqartassapput. Ulloq akiliiffissaq kingusinnerpaaq tassaavoq qaammammi ullut qulingat.

§ 5 - Qaangiuttoorneq aamma qaangiuttoornermut taarsiullugu sulingikkallarneq.

Qaangiuttoorneq sapinngisamik pingitsoorniarneqassaaq. Suliffiup nalinginnaasup avataatigut qaangiuttoornermi § 2 imm. 1 naapertorlugu, nalunaaquttap-akunnersiamut imaluunniit bonusisiamut/akkordernersiamut tapisiaqartitsineqassaaq, qaangiuttoorneq peqqussutaasimappat qaangiuttoornertullu nakkutigineqarluni. Nalunaaquttap-akunnerinut tamanut tapeq § 3 naapertorlugu nalunaaquttap-akunneranut akissarsiap 50 procenteraa.

Imm. 2. Qaangiuttoornissaagaluq sulingikkallarninngortinneqarsinnaavoq sulisup sulisitsisullu isumaqatigiinneratigut. Sulingikkallarnermi qaangiuttoornermassaagaluit sulingikkallarnermik taarserneqartassapput nalunaaquttap-akunnerisa qaangiuttoorfissaagaluit nalingannik piffissaq 50 procentimik ilallugu. Sulingikkallarfissaq katersorneqassaaq nalunaaquttap-akunnerisa affaasa aallartinneri tamaasa.

Imm. 3. Qaangiuttoornermut tapisiasaq sulingikkallarnertut/qaangiuttoornermassiatut tunniunneqartassaaq aatsaat piffissami akissarsiqaarfimmi suliffissaq tamakkerlugu suliffigineqa-

reersimappat.

Imm. 4. Sulineq piffissaq akissarsiaqarfik tamakkerlugu sivisussuseqarsimanngippat piffissaq suliffik tamakkiisoq, imm. 3 naapertorlugu, naatsorsorneqassaaq ullut nalinginnaasumik suliffiusut gangerlugit nalunaaquttap-akunnerinik 8-nik.

Imm. 5. Qaangiuttoornissaq ilimasaarutigineqassaaq kingusinnerpaamik ullup suliffiup naanissaa nalunaaquttap-akunnerinik 5-inik sioqqullugu. Ilimasaarinngitsoortoqarsimappat nalunaaquttap-akunneri qaangiuttoorfippiaat saniatigut qaangiuttoornermut nalunaaquttap-akunneranik ataatsimik akiliisoqassaaq.

Imm. 6. Nalunaaquttap-akunneri 4 sinnerlugit qaangiuttoornerit ullormut suliffissaatitat nalinginnaasut avataatigut, qaangiuttoorfippiaat saniatigut qaangiuttoornermut nalunaaquttap-akunneranik ataatsimik akiliisoqassaaq.

Imm. 7. Sulisartog nalinginnaasumik piffissap suliffiusartup avataatigut suliartoqquneqarpat - suliffiup qimanneqareerneratigut imaluunniit ulluni suliffissaanngikkaluartuni - minnerpaamik akissarsiaritineqassaaq nalunaaquttap-akunnerini 4-ni sulineq, tamatumalu saniatigut nalunaaquttap-akunneranut 1-imut sulineq akilerneqassaaq.

§ 6 - Napparsimaneq.

Sulisoq napparsimanini pissutigalugu sulisinnaanngippat tamanna akuerisaasumik sulinngitsoornertut isigineqassaaq, tamannali pisinnaanaani sulisoq silitilluni piaaraluni mianersuaalliorujussuarnikkulluunniit napparsimalersimappat imaluunniit atorfinitsitaanermini napparsimanini peqqusersusaarluni nipangiussimappagu.

Imm. 2. Napparsimanerup nakorsamit uppersarsaasernerqarnissaa sulisitsisup piumasarisinnaavaa. Nakorsamit uppersarsaatip piniarnera sulisitsisumit akilerneqassaaq.

Imm. 3. Sulisut nalunaaquttap-akunnermusiallit tamakkiisumik sulisorineqartut SIK-mut ilaasortaasut napparsimanermik nalaani ullormusiaqartinneqassapput, apeqqutaalluni sulisoq napparsimalernissani sioqqullugu ataavartumik sivikinnerpaamik ulluni 30-ni sulisorineqarsimanersoq.

Imm. 4. Napparsimanermi ullormusiaqartitsisoqartassaaq ullormit sulisinnaajunnaarfimmit siullermit. Napparsimanermi ullormusiassat akilerneqartassapput sapaatip-akunneranut ullunut arfilinnut. Napparsimanermi ullormusiaqartitsisoqarsinnaavoq sivisunerpaamik sapaatip-akunnerini 26-ni qaammatit 12-it tulleriit ingerlaneranni. Sulisinnaajunnaarnerli sulitilluni ajoqusernermik pissuteqarpat napparsimanermi ullormusiaqarneq sapaatip-akunnerinik 13-inik sivitsorneqarsinnaavoq.

Imm. 5. Napparsimanermi ullormusiaqartitsineq unissaaq ullormi sulisup sulisinnaaqqilerfianni, sulisoq ingerlaannaq sulilingikkaluarpuuunniit aammalu peqqissinini nalunaarutigingitsooraluarpaguluunniit. Ullormusiaqartitsinerli ingerlaannassaaq sulisup illoqarfimmi allami suliffimmi inissisimaffiginngisaani katsorsartissimalluni aqutissaq siullerpaaq atorlugu suliffigisaminut uterluni sulisinnaaqqilernissaata tungaanut.

Imm. 6. Napparsimanerup nalaani soraarsitaanermi ullormusiaqartitaanissamut pisinnaatitaaneq atuutissaaq ulloq suliunnaarfissaq tikillugu.

Imm. 7. Napparsimanermi ullormusiat 150,00 kr.-iupput tunniunneqartassallutillu sulisut SIK-mut ilaasortat akissarsiffigisartagaat malillugit.

Imm. 8. Atornerluisoqartillugu aqqissuussinerit sulisunut ataasiakkaanut atorunnaarsinneqassapput.

§ 7 - Suliartoqquneqaratarsinnaanermut tapisiat.

Sulisartunut suliassanik nakkutigineqarsinnaanatilluunniit nakkutigiuminaatsunik qaangiut-tooruteqartartunut suliartoqquneqaratarsinnaanermut tapisiaqartitsisoqarsinnaavoq mak-kuninnga taarsiullugu:

1. Qaangiuttoornermi tunniuttakkat § 5-mi taaneqartut,
2. Sapaatini nalliuttunilu sulinermi tunniuttakkat § 8-mi taaneqartut kiisalu
3. Nikingasumik sulinermi tunniuttakkat § 9-mi taaneqartut.

Suliartoqquneqaratarsinnaanermut tapisiap angissusia aalajangerneqartassaaq illuatungeriit isumaqatigiissuteqartartut isumaqatigiinniareerneratigut.

§ 8 - Tapisiat immikkut ittut.

Immikkut ittumik pissutissaqartoqartillugu sulisitsisup sulisullu sinniisaata isumaqatigiinnia-reernerisigut sulisartoq inuttut tapisiaqartinneqassaaq.

§ 9 - Sapaatini nalliuttunilu tapit aamma nalliuttuni ulluinnartigoortuni pisartakkat.

Sapaatini nalliuttunilu sulinermi nalunaaquttap-akunneranut akissarsiat taperneqartassap-put. Tapisiaq § 3 malillugu nalunaaquttap-akunnermusiap 50 procenterissavaa. Sulineq qaa-angiuttoorneruppat taaneqareersup saniatigut § 5, imm. 1 naapertorlugu qaavatigut qaangiut-toornermut tapisialiisoqassaaq imaluunniit § 5, imm. 2 naapertorlugu qaangiuttoornissaa-galuamut taarsiullugu sulinngikkallartitsineqassalluni.

Imm. 2. Ullut uku nalliuttutut isigineqarput:

- a) Ukiortaaq, 1. januaari
- b) Kunngit pingasut ulluat (nal. 12-ip kingorna), 6. januaari,
- c) Sisamngorneq illernartoq,
- d) Tallimngorneq tannaartoq,
- e) Poorskip ullua aamma Poorskip ulluisa aappaat,
- f) Nunani tamalaani sulisartut ulluat 1. maaji (nalliuttutut ulluinnartigoortutut ilivitsumik akilerneqassaaq),
- g) Tussiarfissuaq,
- h) Qilaliarfik,
- i) Piinsip ulluisa aappaat,
- j) Inuiattut ullorsiorfik, 21. juuni, (ulloq tamaat)
- k) Juulliaaraq, 24. decembari
- l) Juullip ullua, 25. decembari
- m) Juullip ulluisa aappaat, 26. decembari
- n) Ukiutoq, 31. decembari

§ 10 - Piffissani nikingasuni sulinermit paarlaattarlunilu sulinermit tapiasiat.

Piffissaq suliffik piffissat suliffissaatitaasut § 2, imm. 1-mi taaneqartut avataaniippat, imaluunniit paarlaattarluni sulineq atorneqarpat tapiissutit makku tunniunneqassapput:

- a) Nal. 15.30-p 01.00-llu akornanni 8,00 kr. nalunaaquttap-akunneranut.
- b) Nal. 01.00-p 06.00-llu akornanni 20,00 kr. nalunaaquttap-akunneranut.

Imm. 2. Piffissami nikingasumi paarlaattarluni sulinermit qaangiuttoornersisitsinissamut taarsiullugu sulingikkallartitsisoqartassaaq § 5 imm. 2 naapertorlugu imaluunniit qaangiuttoornersisitsisoqassalluni § 5 imm. 1 naapertorlugu, § 5 imm. 1 naapertorlugu tapiissutisiassanut

taarsiullugu.

Imm. 3. Kisianni paarlaattarluni sulilluni qaangiuttoornermi paarlaannerit aappaannit pingajuannillu sivilisnerusumik imm. 1 malillugu paarlaannermut tapisiaq kingulleq tunniunneqassaaq aammalu qaangiuttoornissaagaluamut taarsiullugu sulingikkallartitsineqassalluni § 5 imm. 2 naapertorlugu imaluunniit qaangiuttoornermut tapisisitsisoqassalluni § 5 imm. 1 naapertorlugu.

§ 11 - Atisat isumannaallisaatit il.il.

Sulisitsisup akeqanngitsumik aaqqatit, kamippaat sullisit, oqorsaatit, saaliaqutit gummit assigisaallu sulisartunut akeqanngitsumik atugassiissutigissavai, isumannaatsuunissaq eqqiluisaarnissarlu pillugit tamakku atortariaqarmatigit.

§ 12 - Qanoq sivilisutigisumik sulisimanermut tapisiat.

Nalunaaquttap-akunnermusiamut imaluunniit suliarortarnermut bonusisiamut qanoq sivilisutigisumik sulisimanermut ima tapiissuteqartoqassaaq:

- | | |
|--|---------------|
| a) Sulisartooq suliffimmi tassanerpiaq atasuinnarmik sulereersimappat ukiumi ataatsimi | 8,00 kr.-it. |
| b) Ukiuni 5-ini sulereersimanermi | 9,00 kr.-it |
| c) Ukiut 8-ini sulereersimanermi | 11,00 kr.-it. |
| d) Ukiut 12-ini sulereersimanermi | 12,00 kr.-it. |
| e) Ukiut 15-it sinnerlugit sulereernermi | 15,00 kr.-it. |

Imm. 2. Qanoq sivilisutigisumik sulereersimanermut tapisiaq tunniunneqartassaaq suliffimmi tassanerpiaq sulisuusimaneq tunngavigalugu. Sulisartup sulisitsisullu isumaqatigiinneratigit

suliffimmut allamut toqqaannartumik nuuttut tapisassarilersimasatik piginnassavaat.

Imm. 3. Sulisitsisumi tassanerpiaq sulisuuinnarsimaneq tunngavigalugu qanoq sivistigisumik sulisimanermut katersat piginnarneqassapput feeriarluni, napparsimalluni, ernineq qitornavissartaarnerlu pissutigalugit kiisalu inuiaqatigiinni qinikkatut sullissineq pissutigalugu sulingikkallarneni.

Imm. 4. Nutaamik atorfinitsitsinermi atorfinitsitseqqinnermilu imm. 2 naapertorlugu sulisitsisup sulisullu akornanni isumaqatigiissutaasimangitsuni tamatigut trin 1-imut inissiisoqartassaaq, kisianni imm. 1 a) naapertorlugu.

§ 13 - Nioqutissiorneq siuarsarniarlugu akissarsialersuineq.

Illuatungeriit isumaqatigiissutigaat nioqutissiorneq siuarsarniarlugu akissarsialersueriaatsinik sapinngisamik annerpaamik atuisoqassasoq, pingaartumik bonusisitsisarneq akkordertitsisarnerlu eqqarsaatigalugit. Bonusisitsisarneq/akkordertitsisarneq pillugit isumaqatigiissutini ataasiakkaani tamani isumaqatigiissutigineqartassaaq pissutsit immikkut ittut suut aqqissuussinermi atuutissanersut.

Imm. 2. Bonusisitsisarneq akissarsissutissanik imaattunik katitigaassaaq:

- a) Nalunaaquttap-akunneranut akissarsiap ilaa aalajangersimasoq.
- b) Akissarsiap ilaa allanngorartoq (bonusitut tapisiaq) nalunaaquttap-akunneri suliffiit ataasiakkaat tamaasa naammassisaqarnerulernermik tunngaveqartoq.

Imm. 3. Bonus/akkorderluni suliaqarnermi siumoortumik akissarsisitsisoqartassaaq sulisartup pineqartup § 3 naapertorlugu nalunaaquttap akunneranut akissarsiassaasa amerlaqataannik, bonus/akkordimik suliit naatsorsorneqarnerat piffissami akissarsiffiusumi pineqartumi ullormut akissarsiffissamut nalinginnaasumut naammassineqarsinnaanngikkaangata. Taamatut siu-

moortumik akissarsiat bonus/akkordimik naatsorsuinerup naammassinerani ilanngaatigineqartassapput.

Imm. 4. Bonusinik aaqqissuussinerni aamma ataatsimoorluni akkordernerni, allamik isumaqatigiissuteqartoqarsimangippat, bonusisiassat akkordernersiassallu agguataarneqassapput nalunaaquttap akunneri peqataasut ataasiakkaat suliffigisimasaat tunngavigalugit.

Imm. 5. Bonus/akkorderluni suliaqarnermi piumasaavoq suliap ajunngitsumik naammassineqarnissaa aammalu sakkut nalinginnaasut saniatigut atortussat sakkussallu pisariaqartut pia-reersimanissaat. Utaqqineq, atortussanik sakkusanillu assartuinerit kiisalu sulinerup nalaani akornutissat naatsorsuutigineqanngitsut kingunerisaannik kinguartoorneq sulisartut ataasiakkaat nalunaaquttap-akunnermusiaannik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup piumasaqarneratigut allanngortinneqarpat sulisartoq nalunaaquttap-akunnermusiassaminik kiisalu sulinerup allanngortinneqarnerata kingunerisaanik sivitsortoornermut tapisassaminik pisassaqartitaavoq.

Imm. 6. Teknikkikkut atortorissaarutit nutaat allalluunniit naatsorsuinermut tunngavissanik allanngortitsippata illuatungeriit pisinnaatitaapput bonus/akkorderluni suliaqarnermut isumaqatigiissutit isumaqatigiinniutigineqaaqqinnissaannik piumasaqarnissaminnut. Isumaqatigiittoqarsinnaangippat isumaqatigiissut qaammatip ataatsip qaangiunnerani atorunnaartussanngorlugu nalunaarutigineqarsinnaavoq. Isumaqatigiissut atorunnaarpat suliassat pineqartut isumaqatigiissutit nalinginnaasut naapertorlugit nalunaaquttap-akunnermusiaqarluni suliassatut akissarsiaqaatigineqalissapput.

Imm. 7. Misiligutaasunik nioqqutissiornerne atugassarititaasussanik allanik, aamma akissarsianik aalajangersaasarneq pillugu isumaqatigiissuteqartoqarsinnaavoq isumaqatigiissutinit atuuttunit allaanerusunik.

§ 14 - Suliamik unitsitsigallarneq.

Sulisartuq sulinermi nalaani sila pissutigalugu unitsinneqartoq, allamillu suliassinneqarsinnaanngitsoq, minnerpaamik ullormut nalinginnaasumik sulinermut akissarsiaqartinneqasaaq, angerlartitaanera piffissap suliffiusup pisarnertut aallartinnerani pigaluarpalluunniit.

Imm. 2. Aalisakkerivinni sulisartut, piffissap suliffiusup nalinginnaasup aallartinnerani suliartoq-qusaasimagaluartut, maskiinarliulernerulli kingorna nioqqutissiassaaleqilerneq pissutigalugu angerlartinneqartut, sulinivittulli akissarsitinneqassapput, minnerpaamilli nalunaaquttap-akunnerinut sisamanut.

§ 15 - Assuarlersinnaatitaaneq.

SIK assuarlersinnaatitaavoq isumaqaruni sulisartut ulluinnarni piffissap suliffiusussap inissismanissaa aamma arfininngornermi sulinngiffeqartarnissamik aqqissuussinerit pillugit kissaatigisimasaat suliffeqarfimmut iluaqutaasussanut akornutaanngitsumik pinissaannik naammattumik tunngavilersorneqarsimangitsut.

Imm. 2. Nalornissutigineqalerpat sulisoq §§ 5-imit 11-mut taaneqartunik akissarsissutissaqartinneqassanersoq, sulisullu sinniisaat aqputigalugu tamanna pillugu saaffiginnissutit naammagintumik angusaqarfiunngippata, suliassaq illuatungeriit isumaqatigiinniarnertigit aalajangiivigineqassaaq.

§ 16 - Akissarsiat tunniunneqartarnerat.

Piffissaq akissarsiaqarfiusoq ullunik 14-inik sivilissuseqarpoq, naatsorsorneqartassalluni atasinngornermit sapaatip-akunnerata tulliani sapaammut.

Imm. 2. Sulisartup Kalaallit Nunaanni imaluunniit Danmarkimi aningaaserivimmi konto akissarsianik nakkartitsiviusinnaasoq nalunaarutigissavaa. Akissarsiassat tiguneqarsinnaalissapput piffissap akissarsiaqarfiup naanerata kingornatigut tallimangornermi.

Imm. 3. Ulloq nalinginnaasumik akissarsiffissaq nalliuttuusimappat ulluinnarmi nalliuttup siuliani akissarsisitsineqassaaq.

§ 17 - Sulinggifteqarneq sulinggifteqarnerisutillu.

Sulisartut sulinggifteqarneq pillugu Inatsisartut inatsisaat nr. 10, 12. novembari 2001-imeersumi, Inatsisartut inatsisaatigut nr. 12-ikkut 30. oktobari 1992-imeersukkut allanngortinneqartumi, malittarisassat tunngavigalugit ukiumoortumik sulinggifteqarnissaminut pisinnaatitaaffeqarput.

Imm. 2. Inaatsisartut inatsisaanni § 1, imm. 2 naapertorlugu malittarisassat immikkut ittut matuma kinguliiniittut isumaqatigiissutigineqarput.

- Sulisartuq pisinnaatitaavoq akissarsiarisimasat 12 procentiat sulinggifteqarnerisutisatut katersussallugu.
- Sulinggifteqarnerisutininik pisassanik piunasaqarneq sulisitsisumut saqqummiunneqassaaq kingusinnerpaamik ukiup sulinggifteqarfiup naaneranit qaammatit pingasut qaangiutsinnagit. Taamaattoqarsimangippat aningaasat SIK-p Sulinggifteqarnermut Aningaasaateqarfianut ingerlatinneqassapput.

§ 18 - Aningaasaateqarfiit.

Aningaasaateqarfiit uku ima akiliuteqarfigineqassapput 1. aprili 2023 atuutilersussamik:

- Qaammarsaanermut Ilinniartitaanermullu Aningaasaateqarfik nalunaaquttap-akunneranut suliffiusumut ataatsimut 0,85 kr.-imik.
- Sulinggiffeqarluni Angalanermut Aningaasaateqarfik nalunaaquttap-akunneranut suliffiusumut ataatsimut 0,85kr.-imik.
- Isumaginninnikkut Aningaasaateqarfik nalunaaquttap-akunneranut suliffiusumut ataatsimut 0,80 kr.-imik.

§ 19 - Naartuneq, ernineq qitornavissiarthaarnerlu

Sulisoq akissarsiaqarluni sulinggiffeqarsinnaavoq naartunermut, erninermut qitornavissiarthaarnermullu atatillugu Inatsisartut inatsisaat sukkulluunniit atuuttoq malillugu.

§ 20 - Toqukkut qimagaanersiutit.

Sulisartuq atorfeqarnermi nalaani toquppat aappaanut katissimasaanut imaluunniit qitornaanut 18-it inorlugit ukiulinnut qimagaasunut toqusup pilersugassarisimasaanut qimagaanersiutit uku tunniunneqassapput:

Suliffimmi ataatsimi sulisimagaanni::

- Ukiumi 1-imi Sap. ak. 4-ni akissarsiassat.
- Ukiuni 2-ni Sap. ak. 8-ni akissarsiassat.
- Ukiuni 5-ini sivilisunerumillu: Sap. ak. 12-ini akissarsiassat.

§ 21 - Meeqqap napparsimanerani ullormi siullermi sulingikkallarsinnaaneq.

Sulisoq piffissaq tamakkerlugu imaluunniit piffissap ilaannaani akissarsiaminik annaasaqar-nani sulingikkallarsinnaatitaavoq meeqqap ukiukitsup napparsimanerani ulluni marlunni paarsinissaminut.

Imm. 2. Sulingikkallarsinnaatitaanermi piumasaqaataavoq sulisartup suliffimmi taannaasumi qaammatit pingasut (3) ataannartumik sulisimanissaa.

Imm. 3. Napparsimanernik allattuiffimmi ilanngunneqassapput meeqqap napparsimanerani ul-lormi siullermi sulingissimanernik paasissutissat.

Imm. 4. Atornerluinermi aqqissuussineq sulisunut ataasiakkaanut atortussaajunnaarsinne-qarsinnaavoq.

Imm. 5. Akissarsianik annaasaqaataanngitsumik sulingikkallarnermi nalunaaquttap-akunnera-nut akissarsiaqartitsisoqassaaq ullormi pineqartumi nalunaaquttap akunneranut akissarsiat nalinginnaasut aallaavigalugit, tapisiallu aalajangersimasut ilanngullugit.

Imm. 6. Sulisut qaammatini arfinilinni sulereersimasut ukiumut ilivitsumut ullunik isumagin-niffinnik marlunnik pisinnaatitaapput.

§ 22 - Meeqqap napparsimanerani sulingikkallarnerit allat.

Meeqqap 0-imit 16-it angullugit ukiullip illoqarfimmi napparsimavimmi imaluunniit angerlar-simaffimmi imaluunniit illoqarfimmi allami unittariaqalernerani sulisoq qaammatini arfinilinni (6) sulereersimaguni periarfissinneqassaaq ullut aqqaneq-marluk tikillugit akissarsiaminik an-

naasaqarani sulingikkallarnissaminut, meeqqap napparsimmavimmut unitsitaanerani Peqqinnissaqarfiup akiligaanik angalanermi ingjallortitut.

Imm. 2. Meeqqap napparsimmavimmut unitsitaanera angajoqqaallu unitsitaaqataanerat ingjallortitullu angalaqataanerat uppersarneqassapput.

Imm. 3. Immikkut illuinnartumik pissutissaqartillugu nakorsamillu uppersarneqarpat sulingikkallarneq sivitsorneqarsinnaavoq ullut tallimat tikillugit.

§ 23 - Qinikkatut pisortanillu toqqakkatut suliassaqartitaaneq.

Isumaqatigiissut manna tunngavigalugu sulisut pisariaqartitsineq tunngavigalugu akissarsiaqarnatik sulingikkallarsinnaatitaapput makkuninnga suliaqarnissaq siunertaralugu:

- a) Inatsisartunut ilaasortaaneq,
- b) kommunalbestyrelsimut ilaasortaaneq,
- c) ilagiit sinniisuinut ilaasortaaneq,
- d) atuarfiit siulersuisuinut imaluunniit sunngiffimmi ataatsimiititaliamut ilaasortaaneq,
- e) kredsdommeriuneq,
- f) eqqartuusseqataasartuuneq,
- g) eqqartuussivimmi illersuisuuneq,
- h) pisortanit suliassaqartitaanerit allat pisortanit suliakkiutigineqartut SIK-p Inuusuttaasa siulersuisuinut, sulinermik inuussutissarsiuteqartut soraarnerussutisiaqalernissamut aningaasaateqarfiata SISA-p siulersuisuinut ilaasortanut, SIK-p Peqatigiiffiini siulersuisuinut ilaasortanut imaluunniit SIK-p siulersuisuunerinut ilaasortanut.

Imm. 2. Imm. 1 tunngavigalugu suliffigisamit qimagussimaneq piffissami nalinginnaasumik suliffiusussaagaluartumi qaangiuttoornersiaqarfissaq sioqqullugu pisoq sumiginnaanertut isigineqassanngilaq. Suliffimmit qimagussimanissaq sapinngisamik sioqqutsilluarluni sulisitsisumut nalunaarutigineqartassaaq.

§ 24 - Sulingikkallarnerit immikkut ittut allat.

Sulisut ilaquttamik qanigisamik perulullutik napparsimaneranni, toquneranni ilisaanerannilu akiliunneqarlutik angalasinnaatitaapput nalinginnaasumillu akissarsiatik pigiinnarlugit sulingikkallarsinnaatitaallutik malittarisassat matuma kinguliiniittut naapertorlugit:

Sulisunut sivikinnerpaamik qaammatini 6-inni suliffeqarfimmi sulisooreersimasunut qinnuteqaateqareernikkut ilaquttat qanigisat ilisaaneranni akissarsiatik nalinginnaasut pigiinnarlugit sulingikkallarsinnaatitaapput ulluni suliffiusuni qulini (10). Taamatuttaaq angalanermut akiliussisoqassaaq ilaquttat qanigisat perulullutik napparsimaneranni, toquneranni ilisaanerannilu, ilisineq Kalaallit Nunaanni illoqarfimmi nunaqarfimmiluunniit allami imaluunniit Danmarkimi pisussaappat. Sulingikkallarnernut siuliini taaneqartunut nalinginnaasumik angalanerup sivilissusia ilanngunneqartassaaq.

Imm. 2. Sulingikkallarnissamik aamma akiliunneqarluni angalanissamik qinnuteqaat allaganngorlugu sulisitsisumut tunniunneqassaaq.

Imm. 3. Qanigisanik oqarnermi pineqarput angajoqqaat, aapparisat katissimasat taakkunungaluunniit naligitinneqartut, qitornat qatanngutillu, kisiannili pineqanngillat aapparisap katissimasap tassungaluunniit naligitinneqartup ilaqutai.

Imm. 4. SIK-p siulersuisuunerinut ilaasortat SIK-p siulersuisuunerisa ataatsimiinnerinut peqataanerminnut atatillugu akissarsiaqarlutik sulingissinnaatitaapput amerlanerpaamik ukiumut sisamariarlutik, taamattaarlu aamma SIK-p Inuusuttaasa, SIK-p Peqatigiiffiisa aamma

sulinermik inuussutissarsiuteqartut soraarnerussutisiaqalernissamut aningaasaateqarfiata SISA-p siulersuisuinut ilaasortanut, SIK-p Ataatsimeersuarnerinut Nakkutilliisoqarfiatalu ataatsimiinnerinut atatillugu. Sulingikkallarnerup nalaani akissarsiat naatsorsorneqassapput pineqartup nalinginnaasumik nalunaaquttap-akunneri suliffigisagai nalinginnaasumillu nalunaaquttap-akunneranut akissarsiarisartagai tunngavigalugit, tapisiat aalajangersimasut ilann-gullugit.

Imm. 5. SIK-p Inuusuttaasa siulersuisuinut, SIK-p Peqatigfiini siulersuisunut aamma SIK-p siulersuisuunerinut ilaasortat kissaatigippassuk akissarsiaqarnatik sulingikkallarnissartik, tamanna akuerineqartariaqarpoq. Taamatut sulingikkallartitsisoqarsinnaavoq ukiut ataasiakkaarlugit.

§ 25 - Aaqqiagiinngissutit assigiinngitsuliorlunilu soraarsitsinerit.

Aaqqiagiinngissutit Naalackersuisut aamma SIK-p tunngaviusumik isumaqatigiissutaanni malittarisassat naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermi assigiinngitsuliorloqassanngilaq. Tamanna pillugu aaqqiagiinngissutit tunngaviusumik isumaqatigiissummi qulaani taaneqartumi malittarisassat naapertorlugit suliarineqartassapput.

§ 26 - Sulisut sinniisaat pillugit malittarisassat.

Isumaqatigiissut manna malillugu sulisuusut sulisut sinniisaat pillugit Naalackersuisut, Finansministeriap aamma SIK-p isumaqatigiissutaannut qaqugukkulluunniit atuuttumut ilaapput.

**§ 27 - Soraarniuteqarnermi soraarsitsiniarnermilu
siumut ilisimatitsivissat.**

Atorfeqarnermi qaammammi siullermi sulisitsisoq sulisartorluunniit pisussaatitaangillat atorfeqarnermik unitsitsinissamut tunngatillugu siumut ilisimatitsereernissamut.

Imm. 2. Nioqqutissiornermi sulisunut atuupput soraarsitsinissamik/soraarnissamik siumut ilisimatitsereernissamut piffissarititat uku qaammammi siullermi atorfeqarnerup kingornatigut:

Nalunaaquttap akunnermusialinnut:

| | <u>Sulisitsisumit</u> | <u>Sulisartumit</u> |
|--|-----------------------|---------------------|
| ukiumi siullermi (qaammat siulleq pinnagu) | Sap. ak. 2. | Ullut 3. |
| ukiuni 2-ni, 3-ni, 4-ni 5-nilu | Sap. ak. 4. | Sap. ak. 2. |
| Kingornatigut: | Sap. ak. 6. | Sap. ak. 3. |

Imm. 3. Soraarniuteqarnermut/soraarsitsinermut siumoortumik ilisimatitsinissamut piffissarititaasut imm. 2-miittut sulisunut suliffeqarfimmi ataatsimi kipisaqattaangitsumik suliffeqarimasunut atuupput. Pissutsilli makku kipititsisutut naatsorsuunneqangillat:

- a) napparsimaneq erngerluni kingusinnerpaamillu nalunaaquttap-akunnerisa 24-t qaangiutinnginneranni suliffimmut nalunaarutigineqartoq,
- b) naartuneq, ernineq qitornavissiartaarnerlu pillugit Inatsisartut inatsisaat naapertorlugu qimagussimaneq,
- c) suliamik unitsitsineq maskiinat uninnerannik, atortussanik amigateqalernermik,

nioqqutissiassanik amigaateqalernermik assingusunilluunniit pissuteqartoq, sulisoq neqeroorfigineqarluni suleqqilersimappat.

Imm. 4. Soraarsitsinissamut siumoortumik ilisimatitsissuteqarnissamut piffissarititaasut atorunnaassapput sulisup paarsinerlunneratigut imaluunniit suliamik unitsitsineq, atortussanik amigaateqalernerq pisullu allat sunniuteqarfigisinnaangisatut isigineqartut (force majeure) pissutigalugit suliunnaarnikkut ingerlatsineq tamakkiisumik ilaannakortumilluunniit unippat.

Imm. 5. Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

§ 28 - Piffissaq isumaqatigiissutip atuuffia.

Sumiiffimmi isumaqatigiissut manna kingumoortumik atuutilerpoq 1. aprili 2023.

Isumaqatigiissut illuatungeriinnit tamanit atorunnaarsinneqarsinnaavoq marsip 31-anut qaammatinik pingasunik siumut ilisimatitsererluni, siusinnerpaamilli 31. marsi 2026.

Nuuk, ulloq 23. Juuni 2023

Sulineramik Inuussutissarsiuteqartut Kattuffiat

Polar Raajat A/S

Jokum Zeeb

Kattuffiup siulittaasua tullia

Jan Weinreich

Allaffissornermi Direktør-i